

Bisha mbeti nœ Yowane Tshatshu o'o

Asœke kœdœe bisha mbetinoe á azu gbe ndje adœke Yowane dá su. Tshe sú fœ yashe á Ndjaba ke she œdœe agbolo nœ ye: azu gbe adœke mbetinoe na ga ndœe ikrizia lakpi œdœe azu á endje sœ kœngbœtœ endje kpœtœe oshonœ bale. Tshe sœ kœmindœe nœ fœ endje adœke, œ li dœ endje kœyindœtœ endje ugurutœ endje. Tshe kpa pa fœ endje adœke endje ka ngbiri lœ kœyindœrœe nœ endje yé ala endje gbœ dœ azu á endje sœ kœyisœe œrœe á sœe kpi tœ Ɔtshœ O'o.

Mbetinoe kurutshelœtœe ye atake:

- Tshatshu o'o (1-3)
- O'o tœ upu nœ kœyindœesho (4-6)
- Gbœdjela tœ upu nœ aayi kœyisœœe dœe wala (7-11)
- Abala (12-13)

Abala

¹ Ɔmœ dœe Gbozu Ikrizia dá su mbeti nœ asœ fœ Yashe* á Ndjaba ke she œdœe pe fœ agbolo† nœ ye á mœ yindœ endje tœpanœ kpuru lœ adja o'o. Ɔ dœ kolœ mœ kuti mœ dá yindœ 'e nene, kashe œmœ œdœe ndje pe endjeneke kœ á endje wusœ adja o'o.

² Gbambanœ nene, œ li adœke adja o'o sœ ugu-rutœ azœ, yé œ sœe dœe azœ bala waa dœe waa.

* **1:1** Yashe: Anga ádá nœ Yashe kœdœe ndje «Ikrizia». † **1:1** agbolo: Anga ádá nœ agbolo kœdœe ndje «Ayindœe Yisu».

³ Kaka Aba azœ dœ Ndjaba œdœ Gbolo nœ ye dœ Yisu Kristu ma ɔtshɔ lɔsu nœ endje fœ azœ, œ wu oyo azœ yé œ za kœsœ gee fœ azœ, adœke a sœ lœ adja o'o œdœ pe lœ kœyindœsho.

Adja o'o œdœ pe kœyindœsho

⁴ Mœ sœ lima dœ yanga tɔpanœ kpuru kœwu adœke anga agbolo nœ sœ kœna lœ awa adja o'o, ɔata á Aba mi lima ndœ nœ adœke a mbœrœ.

⁵ Yé ngɔngɔ asœke, Yashe, œneke á mœ mindœ nœ fœ ɔœ dœke: a yindœtœ azœ dœ anga azœ. Œ dœdœ tafo awa akwa dá mœ su fœ ɔœ nene, kashe œtœnœ kœdœ œneke á a wusœ nœ utshunœ lima katshatsha.

⁶ Kœyindœsho kœdœ kœmbœrœtœ azœ liaka awa akwa nœ Ndjaba. Yé awa akwa á endje yisœ nœ fœ 'e lima katshatsha utshunœ kœdœ adœke 'e sœ lœ kœyindœsho.

⁷ Gbambanœ nene, ayingba Kristu gu ngbakaka pa ɔshɔ. Yé endje tshapu kœyindœ nœ adœke Yisu Kristu kœdœ adja uzu. Kpœtœ oshonœ asœmœ dá a wusœ ayi afara, á tshe kœdœ ayingba Kristu.

⁸ Ala 'e gbɔ mbœrœ adœke akwa á a mbœrœ ugurutœ 'e kœtshutshu nene kashe 'e gbɔ œrœ tshangbanœ á li dœ 'e.

⁹ Uzu á tshe kœyiyindœ kœgbɔndœ œrœ á Kristu yisœ nœ ga tœ lɔsu ye nene á drapa nœ, tshe sœsœ dœ lɔsu bale ga ndœ Ndjaba nene. Kashe uzu á tshe gbɔndœ kœyisœrœnœ ga tœ lɔsu ye, tshe sœ dœ lɔsu bale ga tœ Aba ndje dœ Gbolo nœ ye.

¹⁰ Œ kœsœ adœke anga uzu na ga ndœ 'e, á kœyisœ angbi œrœ á dœdœ œneke á Kristu yisœ nœ nene, adja 'e zaza osho kœsœ fœ she nene yé 'e babala ndje she nene.

¹¹ Gbambanœ nene, uzu á tshe bala she, sœ kœngbɔtœ ye dœ she lœ ekperœ nœ ye á tshe mbœerœ asœmœ.

¹² Mœ sœ dœ o'o ndjoro kœsu fœ 'e, kashe mœ yiyindœ kœsu tœnœ ga pa kako mbeti nene. Mœ sœ kœgbe kœna ga ndœ 'e yekane á kœpa fœ 'e dœ ama mœ á lœsu azœ para kœkœ kœsu dœ yanga.

¹³ Agbolo nœ Yingɔ zœ‡ á Ndjaba ke she, vwa abala nœ endje fœ 6œ.

‡ **1:13** Agbolo nœ Yingɔ zœ: Anga ádá nœ agbolo nœ yingɔ zœ kœdœ ndje «azu tshelœ ikrizia á Yowane sœ lœnœ».

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983